

240

1712/01

CARENO

DE

MORBO PELLAGRA.





167/60/P  
T E N T A M E N

D E

MORBO PELLAGRA,


VINDOBONÆ OBSERVATO.

---

AUCTORE

*ALOYSIO CARENO*

PHILOS. ET MED. DOCT.




---

*VINDOBONÆ*

TYPIS ET IMPENSIS A. A. PATZOWSKY,

M DCC XCIV.





Quaecumque in natura fundata sunt , crescunt  
et augentur , quaecumque autem in opinione varian-  
tur , non augentur.

*VERULAMIUS de dignitate et  
augmentis scient.*

---

**A**bsolutis scientiæ Medicæ in Univer-  
sitate Ticinensi studiis, anno 1787  
Mediolanum petii, ut in magno hu-  
jus Urbis Nosocomio praxim Medi-  
cam exercerem. Varii generis ibi-  
dem, variæque indolis morbos mihi  
observare licuit; quos inter *Pellagra*  
præcipue eminet, cujus symptomata,  
medendique methodum a præclaris-  
simo Professore *Videmario* adhibitam,

accuratissime, omnique animi attentione examinavi.

Postea *Viennam Austriae* adii anno 1788, ibique quatuor fere annos visitandis tum in Nosodochio civico, tum in Nosodochio militum ægris impendi, et morbos in hoc climate obvios cum iis, quos in patrio solo observaveram, solertius comparavi, variamque a variis Medicis adamatam medendi methodum perspicere conatus sum.

Eodem labente anno in Nosocomio civico, præstantissimo Medico *de Vigiliis* nondum e vivis erepto, in duobus ægris Pellagræ symptomata deprehendisse mihi videbar, quorum historias simplicissima narratione describam.

---

## OBSERVATIO I.

---

Vigesima quarta Octobris vir 46 annorum ex Carynthia\*) oriundus, in Nosocomium magnum adportabatur, delirus, voce rauca, vola manuum rhagadibus est obfessa. Calor febris haud intensus, non urens. Ardor pedum, cutisque in illorum dorso nigricans, hinc inde scissa. Fœtor ingens, debilitas summa; ructus ovum putridum redolentes; alvi fluxus, ventris mollities.

---

\*) In Styria Carynthia et Tyrolo in locis humidissimis, strumosi et cretini ad aures et pedes nonnullam memorat desquamationis cutaneæ pelлагrosæ naturæ speciem *Gautieri* in opere „*Ty-lensium, Carynthiorum Styriorumque struma* a Iosepho Gautieri *M. D., observata, descripta Vindobonæ* 1794. 8vo.



Decoctum corticis Peruviani cum aliquot guttis spiritus nitri dulcis *De-Vigiliis* præscripserat, ut scilicet symptomata ab humorum putredine orta compesceret; at frustra. Æger altera die versus noctem phreniticus, sequenti mane obiit. Cadaver sectum non est.

---

## OBSERVATIO II.

---

Eodem anno secunda Novembris, fæmina 28. annorum circiter, ex pago S. Viti (St. Beit) robusto temperamento prædita, in suprad. Nosocomium suscipitur. Decubuit ibidem in cubiculo N<sup>ro</sup> 32, in quo D. M. Dr. *Filling*, modo Physicus in Polonia, Medicisecundarii munere fungebatur.



Manus pedesque hujus ægræ phlyctenis obsessæ, epidermide pluribus in locis decidua. Amicus meus *D. Kurzweil* (linguam enim germanicam fere nondum callebam) sequentia symptomata mihi narravit.

Amblyobia; sapor quasi a ciborum salforum ingluvie, capitis et scapularum dolores, visus per vices hebetatio, vertigo vix non assidua; nox insomnis, appetitus dejectio, alvus aquosa, cœterum sana.

Ob linguam glutine obductam lenia eccoproctica exhibebantur, mixtura scilicet salina *Pharmac. Vindob.* qua alvus sæpius movebatur.

At altera die continuato hoc remedio diarrhæa accedit, sequenti etiam die haud cessans, et ægra fractis jamjam viribus delirat. Mox itaque cum prædictus Medicus mor-

bum hunc pro febre bilioso-rheumatica in putridam tendente haberet, (eruptio ad manus et pedes, dolores, vertigo, visus hebetatio, pro rheumaticis habebantur), infusum radicis Valerianæ exhibuit ita, ut ægra sexies de die hujus infusi ex uncia Rad. Valer. ex libris ij aquæ parati sumeret, simulque balnea tepida viginti quatuor vicibus repeti jussit. De die lene infusum florum Sambuci ex unc. ij. parati cum Roob ejusdem unc. j. præscripserat.

Hisce remediis alvus binis ternisque vicibus intra nycthemerum sollicitabatur. Mense Decembri ad finem vergente epidermis desquammabatur, atque ægra 4<sup>ta</sup> Januarii 1789. fere ex integro sanata Nosocomio valedixit. Promiserat mihi equidem, si forte in urbem venerit, me velle adire; sed huc usque promissis non stetit.

---

## OBSERVATIO III.

---

Ab eo tempore nulla se mihi occasio obtulit hunc morbum observandi, etsi sedulas ubique disquisitiones instituerim; elapso tandem anno 1792 hunc morbum iterum observare mihi contigit.

Die 24 Junii Suburbium *Wieden* ægros visitandi causa pedibus adeuns, in pauperem hominem mendicum incidi, in pago *Hütteldorf* degentem, 38. annorum, macilentum et extenuatum. De magna capitis debilitate, doloribus vagis, lancinantibus terebrantibusque conquerebatur. In dextera manu, quæ tumorem erysipelatosum referebat, phlyctenæ plurimæ. Collum, jugulum, pectus, brachia,



tibias fœdo furfure confersa vidi, cutemque in his omnibus locis scissam exiguam, at fœtentissimæ materiæ copiam plorantem. Ad hæc amblyopia, bis terve per diem redeuns, subsequa mox idearum confusione, tempestate præsertim calida. Febris vix ulla. Adventante hyeme omnia hæc symptomata sensim disparuere, et naturalis cuti nitor et albedo rediit.

Sub finem autumnī, mensibus nempe Octobris et Novembris æger baccas sambuci magna copia victitabat, iisque fere solis vitam trahebat, sub quarum usu prædicta symptomata disparuerunt. Sambucina autem remedia autumnō viribus medicatis excellere, propria experientia edidicit; eadem enim redeunte una cum vere morbo exhibita, nil levaminis attulerunt.

Johannes *Koher* (hoc enim illi nomen erat) elapso anno 1792 quinque vicibus me adiit. Consului, ut fero lactis depurato, cum radicibus cichorii et lapathi acuti uteretur, simulque, ut sæpius me accederet. Numquam tamen eum postea vidi.

Die 27. Januarii anni 1793. curiositatis gratia pagum *Hütteldorf* (unica ab urbe hora distat) adii, sciscitaturus, quid cum ægro factum sit, nec minimum tamen rescire potui.

Die 23. Martii; cum iterum in eundem Pagum accederem, detecta tandem ægroti vidua sequentia mihi narravit.

Maritum ultima Novembris anni 1792 gravi colica inflammatoria correptum, septem horarum spatio periisse; Ob vertiginem fere assi-

duam, quæ ægrum mense Septembri tenuit me accedere amplius non potuisse; vehementes simul dorsi et scapularum dolores accessisse, vix per aliquot minuta de nocte mitigatos. Cæterum eadem plane, quæ quondam maritus mihi narraverat symptomata, repetiit; immo addidit: ægrum de assidua salivæ falsedine conquestum fuisse, tantaque siti excruciatum, ut tribus quatuorve aquæ mensuris haustis, eam extinguere non potuerit; insuperque crampo pedum fuisse vexatum. Matrem et tres infantes attente examinaui; nec ullum Pellagræ vestigium deprehendere mihi licuit; quod sane opinioni *Frapollianæ* favet „*neminem arbitror somniaturum, Pellagram esse morbum contagiosum.*“

An ex iis, quas modo enarravi, historiis, pathognomonica *Pellagræ* symptomata possint erui, iis judicandum relinquo, qui præclarissimorum



virorum *Strambi*, *Videmari*, *Gherardini*, *Fanzago*, *Titii*, aliorumque opera perlegerunt, aut morbum ipsum propria experientia cognitum habent.

Si enim symptomata, quæ in tribus hisce morborum historiis a me notata sunt, consideremus, in *prima* nempe: vocem raucam, volam manus rhagadibus obsessam, summam debilitatem, delirium &c; in *secunda* manus et pedes phlyctenis obstitos, epidermidis desquamationem, diplopiam, saporem salsum, dolores vagos, visus hebetudinem, delirium, viriumque prostrationem; in *tertia* peculiarem illam furfuraceam cutis in manu defœdationem: idearum confusionem &c. nullum mihi sane dubium superest, omnes hosce ægros Pellagra laborasse.

Præcipua nunc hujus morbi symptomata ex optimis auctoribus collecta breviter recensebo.

Manuum pedumque cutis maculis variis, modo rubris, erysipelati non absimilibus, modo luridis; coloris defœdatio, non raro rhagadibus scilla, epidermide in manibus in furfures exfoliata, aut lichenibus quasi affecta.

Jugulum, collum, brachia, pectus, tibiæ, universim omnes corporis partes vestibus nudatæ, solique expositæ, impetigine et vitiligine, — præcipuis hujus morbi symptomatibus — tenentur. Epidermis nasi, manuum, colli in squammas abeunt; desquaminatione æstivo præsertim tempore redeunte, hyeme autem iterum evanida.

Sapor oris falsus; sputa falsa.

Amblyopia, diplopia, visus hebetatio, vertigo, asthenia, agrypnia.

Dolor vagus, pungens, gravans, lancinans, terebrans, rodens cum sensu ardoris, quasi flammæ in cerebro accensæ, aurium tinnitus bombosus, capitis fusurrus vertiginosus, cephalaea, pulsatio in cerebro, stupiditas.

Oris ardor, linguæque excoctio, gutturis erosio, os aphtosum; vox rauca, aphonia, bulimia, dysphagia, anacatharsis, respirandi difficultas, pectoris ariditas; odor peculiaris (juxta celeberr. *Strambium*) folliculos bombycum maceratorum redolens. Febris anomala.

Dolor per totam dorsi spinam ad collum, scapulas diffusus, artuumque rigor, molestus in plantis pedum ardor. Delirium, risus far-



donicus, garrulitas, trismus, carphologia; tendinum subsultus. Affectiones nervorum, scelotyrbæ, extorfiones, paraplegia, spasmi, tetani, crampus, umbilicus retro tractus. Subinde tales ægri maniaci evadunt, magno animi (observante doctissimo *Moscati*) sese in aquis suffocandi impetu. Maculæ nigræ totum corpus defcédantes; ptyalismus, diarrhæa, sudor nocturnus, urina in scissis ægris missa &c.

Perfecta aphonia, assiduus erosionis in trachea sensus, deglutitio difficilis, tussis molesta, frequens, hemophthysis, gravior cephalæa, febricula vaga, macies, propinquam mortem prænunciant.

Expositis hucusque, absque definita lege, quæ Pellagram solent comitari, symptomatibus, quasdam adhuc animadversiones adjungere, quas

quas mihi lectio celebrium de hoc morbo auctorum suggerit, non superfluum esse existimo.

Ac primo quidem Amicus meus Dr. *Fanzago*, qui hunc morbum in territorio Veneto observavit, Pellagram tribus hisce signis dignosci posse arbitratur 1<sup>mo</sup> cutis desquamatione in illis corporis humani locis, qui soli exponuntur: 2<sup>do</sup> asthenia, majori tamen crurum debilitate; 3<sup>tio</sup> animi hebetatione, ex vertigine stupiditate, oblivione, delirio &c. manifesta.

Hæc itaque symptomata, si alia insuper accedant, affectiones scilicet cutaneæ, asthenia, capitis spinæque dorsi dolores, spasmi, vertigo, aurium tinnitus, diplopia, delirium &c. facilius certe, probabiliorque erit hujus morbi diagnosis.

Illam Pellagræ divisionem, quam *Frapolli* statuit, in *initiatam*, *confirmatam*, *desperatam*, lubens hic silentio prætereo ; neque causas cum remotas, tum proximas enumerare, et in classes redigere mihi animus est : cum de his omnibus ii auctores, qui peculiariter de hoc morbo scripserunt fusius egerint. Ad hæc magnus inter illos de hac re dissensus obtinet.

*Strambius* enim Pellagram ex atra bile, abdominis viscera obsidente, repetit — *Iansenius* læsum cerebrum accusat. *Frapolli* ardentes solis radios inculpat — *Videmarius* ardorem imi ventris ad crura propagatum, bilis sanguinisque stagnationem, causam esse statuit, adeoque morbum totius systematis nervosi affectionem, seu malum hyppocondriacum esse vult.



Si mihi aliam his conjecturis opinionem addere liceat, mallem peculiarem succorum in systemate lymphatico degenerationem tamquam præcipuam Pellagræ causam agnoscere, etsi non negaverim, plures simul ad producendum hunc morbum causas concurrere posse.

Pellagram autem uti *Titius* asserit, *erysipelas esse periodicum nervosum chronicum*, hac tam premitur difficultate, quod symptomata non raro nullam omnino periodum observant.

Constans cæteroquin est observatio, morbum hunc frequentius rusticos quam cives corripere; ut igitur pellagram in plebe rusticana gravioribus causis ali, palam sit. An pravum ciborum potulentorumque

genus , an populi miseria ,\*) an solidorum infractum robur , an actio radiorum solis , an peculiare ex acre patrio haustum venenum caussa horum sit? — id certe ignoramus , et nostram in explicando morbo ignorantiam fateri melius est , quam erronea et ficta morbi explicatione in novos , practicosque errores præcipitari.

Pellagram novum Insübriæ morbum esse non crediderim , etsi id certum sit , morbum hunc hisce temporibus latius grassari , pluresque homines corripere , ita ut metus subsit , populationis inde aliquando posse jacturam fieri. Symptomata itaque in tribus supra recensitis historiis ex-

---

\*) FRANK in egregio suo operè Delect. opuscul. med. T. IX. Ticin. 1790. *De populorum miseria morborum genitrice.*

posita, aliquam forte in determinando hoc morbo utilitatem præstabunt, et optandum sane est, ut verior hujus morbi indoles aliquando melius nobis innotescat.

*Videmarius* Mediolani assererat, symptomata Pellagræ, seu, ut ipse existimat, mali hyppocondriaci, a filio suo Vindobonæ in Nosocomio Universali, ubi maxima cum laude sanandis ægris, tamquam Medicus Primarius præfuit (at eheu in florentissima ætate e vivis ereptus) fuisse observata, ut itaque mihi etiam hunc morbum se obtulisse, mirum non sit.

Neque de cura Pellagræ ex instituto agam; Antidotum enim nondum habemus. Eccoprotica, resolventia, sanguinem purificantia, balnea &c. subinde morbum fugarunt, qui tamen post aliquod temporis spatium redire iterum solet.



Aliqui Pellagram pro specie scorbuti habent. Illis autem *Jansenius* sequentia opponit „patet scorbutum in pellagrosis non aliter quam morbum accessorium judicandum esse, hancque sententiam ejus cura confirmat, nimirum pellagroforum scorbutus æque ac in aliis hominibus, remediis antiscorbuticis ac justo regimine facile, nisi nimium progressus fuerit, sanatur, Pellagra ne minimum mutata“ Ut itaque Pellagram *morbum esse sui generis* nullum omnino dubium sit.

An Epidemicus, Endemicusque morbus Pellagra? *Frapolli* eum pro sporadico habet, Pellagra enim nec universim grassatur, nec alicui regioni peculiaris est, agricolasque ut plurimum in Insubria hic et illic indiscriminatim aggreditur. Uti trichoma Polonos vexat (*ait Jansenius*), struma deturpat Alpicolas, elephantia-

sis et lepra Africanos, sarcocoele in regnis Salam et Barraha frequens est, Helveti præ cæteris herniis laborant — hinc et Insubriæ incolæ Pellagra inficiuntur. At nihilominus hi morbi etiam alibi terrarum poterunt subinde comparere.

Sufficit mihi in præsentiarum ea, quæ ipse observavi, fideliter retulisse. Forſan erunt in his terris, qui eundem morbum, etsi non sub hoc nomine ſibi notum, ſanandum habuere; forſan alii, meis obſervationibus attentiores facti, pellagram in poſterum obſervabunt, atque hos humaniſſime rogatos vellem, ut me, ſi occaſio occurrat, de talibus ægris certioreſ reddant; ut conjuncta propria, quam ex autopſia mihi comparavi hunc morbum dignoſcendi facilitate, ſimul in indolem Pellagræ, medendique methodum amice inquiramus, quam certe medico-

rum benevolentiam omni qua possum animi gratitudine accipiam. Interim ut habeant, quos in ejusmodi casibus consulant, auctores, scriptorum Catalogum huic tentamini adjungere constitui.

---



Inter Auctores, qui de Pellagra usque adhuc scripserunt, sequentes præcipue recensendi veniunt.

---

FRAPOLLI, (*Franc.*) *Animadversiones in morbum vulgo Pellagram. Mediolani 1771. 8.*

ZANETTI, (*Franc.*) *de Morbo vulgo Pellagra Dissertatio.\*).*

GHERARDINI (*Mich.*) *Della Pellagra Milano 780 4. \*\*)*

---

\*) *Hæc invenitur in Act. Natur. curios. Tom. VI. Norimb. 1778 4to. obs. xxiv. pag. 118 et seq.*

\*\*) *Idem Germanica versione „Geschichte der Pellagra aus dem Ital. Lemgo 1792 8.*

ALBERA (Gio. M.) *Trattato teorico-pratico delle malattie dell' Infolato di primavera volgarmente dette della Pellagra. Varese 784. 8.*

STRAMBI (Cajet.) *De Pellagra observationes, quas in regio Pellagrosorum Nosocomio collegit Dr. Caj. Str. regius ejusdem Director Anno I. II. III. 784—87. Mediolani 786—89. 3 Vol. 4.*

JANSEN, (W. X.) *De Pellagra morbo in Mediolanensi Ducatu endemico. Lugd. Batav. 787. 8. \*)*

VIDEMAR. *De quadam impetiginis specie, morbo apud nos in rusticis nunc frequentiori vulgo Pellagra nuncupata. Mediolani 790. 8.*

\*) *Hæc Dissert. habetur etiam in suprad. Delec. opusc. medicor antehac in German. divers. Accad. editor. præstantiss. Prof. et Praeceptoris mei Johan. Petr. FRANK Vol. IX. Ticini 1790.*

FANZAGO (*Franc.*) *Memorie sopra la Pellagra del territorio Padovano. Padova 789. 4.*

— — — *Paralelli fra la Pellagra ed alcune malattie che più la rassomigliano Padova 790. 8.*

DALLA BONA (*Paolo*) *Discorso comparativo sopra la Pellagra, l'Elefantiasi de' Greci o Lepra degli Arabi, e lo scorbuto; ed alcune riflessioni intorno la cura. Venezia 791. 8.*

SOLER (*Luigi*) *Osservazioni medico-pratiche che formano la storia esatta di una particolar malattia chiamata Pellagra, in cui si espongono i veri caratteri, le differenze, le cause, ed il metodo giudicato il più utile per curarla. Venezia 791. 8.*

TITIO (*Constant.*) *Pellagræ morbi inter Insubriæ Austriacæ agricolæ grassantis Pathologia, Commentatio. Lips. 792 4.*



Legi quoque possunt Auctores, qui hujus morbi, quantum ipsis ex aliorum scriptis innotuerat, mentionem fecerunt, aut alios morbos pro Pellagra habuerunt, ex. gr.

---

KAPP (Chr. Erh.) in suis animadversionibus ad Cullen. Anfangsgründe der praktischen Arzneykunst. 2. Auflag. B. IV. Leipzig 789. pag. 505 et seq.

JUNKERI (Chr. Guill) Conspectus rerum, quæ in patholog. medicinali pertractantur. Vol. II. Hæ 790. 8. pag. 180. Seq.

HENSLER in loc. cit. pag 385.

ODOARDI (Giac.) D'una specie particolare di scorbutto Dissertazione recitata li 18 Luglio 776 \*).

---

\*) Hæc typis impressa fuit „nella Nuova Raccolta d'opuscoli scientifici e filologici. T. 30

SARTAGO. *Aneddoti Patrii* Nro. 22  
*Venezia* 792. \*)

THIERRY (apud Vandermonde) *Recueil periodique d'Observations de medicine, de Chirurgie et de Pharmacie.* Paris T. 2. 1755 pag. 337. \*\*)

GIORNALE \*\*\*) *per servire alla storia ragionata della Medicina di questo*

---

*Venezia* 1776 in 12mo Nro. 7 „et etiam“  
negli *Opuscoli scelti sulle scienze e sulle Arti di Milano* Vol. V. 4to.

*Auctor iste loquitur de morbo in provinciis Feltriensi, Belluensi, Foroiuliiendemico, atque Pellagræ, juxta TITULUM, simillimo.*

\*) *Sub nomine scorbuti montani descripsit Pelgram.*

\*\*) *Et in versione Germanica „Sammlung aus-erlesener Wahrnehmungen aus der Arzney-wissensch. Wundarzney, und Apothekerkunst aus dem Französ. B. 2. Frankf. u. Leipzig 1758. 8. pag. 334.*

\*\*\*) *Opus periodicum summi prætiipro Medicinæ cultoribus. In hoc recensiones Operum*

*secolo T. IV. anno 1787. pag.*  
*334—350. 4.*

GIORNALE *T. VII. pag. 412—418*  
*et in eodem Volumine — pag.*  
*412—466 anni 1791. 4.*

VAN DEN HEUVELL. *Tentamen*  
*nosologicum sistens morborum,*  
*a vitio vis vitalis divisionem etc.*  
*Lugd. Batav. 1787. 8. pag. 415*  
*et seq.*

---

---

*Strambii, Iansenii, Videmarii*  
*inveniuntur.*



1000  
1000

AK  
H. W. W.





